



JUSTITS MINISTERIET

Civilafdelingen

Dato: 27. maj 2016  
Kontor: Nordatlantenheden  
Sagsbeh: Sabine Heestermans  
Svendsen  
Sagsnr.: 2016-490-0034  
Dok.: 1970589

## MISSINGIUT

uunga

Suliassani Kalaallit Nunaannut tunngassutilinni pisortat ingerlatsinerat pillugu inatsisip atuutilersinneqarneranik peqqussut

UAGUT MARGRETHET AAPPAAT, Guutip Saammaanneranik Danmarkip Dronningia, nalunaarpugut:

Pisortat ingerlatsinerat pillugu paasitinneqarsinnaatitaaneq pillugu inatsimmi nr. 606, ulloq 12. juni 2013-imeersumi § 43<sup>1</sup> malillugu aalajangersameqarpoq inatsit suliassanut Kalaallit Nunaannut tunngasunut, naalagaaffimmi oqartussanit suliarineqartunut suliarineqarsimasunullu ima oqaasertalerlugu atuutissasoq:

### Kapitali 1

#### *Inatsisip siunertaa atuuffialu*

#### *Inatsisip siunertaa*

§ 1. Inatsisip siunertaraa oqartussat il.il. ammasuunissaannik qularnaarinissaq, minnerunngitsumik uku ikorfartorneqarnissaat siunertaralugu

- 1) naqisimaneqarani paasissutissiisnaatitaaneq oqaaseqarsinnaatitaanerlu,
- 2) innuttaasut oqartussaaqataanerannut innuttaasut peqataatinneqarnerat,
- 3) pisortat ingerlatsinerannik kikkut tamanut nakkutiginnittussaataaneeratt,
- 4) kikkunnut tamanut paasissutissanik tusagassiorfiit ingerlatitseqqisarnerat aamma
- 5) pisortat ingerlatsinerannut tatiginninneq.

Slotsholmsgade 10  
1216 København K.

Telefon 7226 8400  
Telefax 3393 3510

www.justitsministeriet.dk  
jm@jm.dk

*Imm. 2.* Oqartussat il.il. inatsimmut ilaatinneqartut isumagissavaat ammasunik ingerlatsinissamat isiginiagassat imm. 1-imi taaneqartut sapinngisamik isiginiarneqartarnisaat qarasaasiaqarnikkut periaatsinik nutaanik toqqaanermi, pilersitsinermi ineriartortitsinermilu.

### *Inatsisip aaqqissuussaannikkut atuuffia*

§ 2. Inatsit pisortat ingerlatsineranni oqartussat ingerlatsinerannut suugaluartunulluunniit atuuppoq.

§ 3. Inatsit §§-ini 11-mi aamma 12-imi aamma §§-ini 15-imiit 17-imut aalajangersakkat eqqaassanngikkaanni taamatuttaaq atuutissaaq ingerlatsinernut suugaluartunulluunniit ukunannga ingerlanneqartunut

1) suliffeqarfiit imminut pigisut, peqatigiiffiit, aningaasaateqarfiit il.il.

inatsisikkut inatsilluunniit naapertorlugu pilersinneqarsimasunit aamma

2) suliffeqarfiit imminut pigisut, peqatigiiffiit, aningaasaateqarfiit il.il., inatsisit inuit akornanni pissutsinut tunngasut naapertorlugit pilersinneqarsimasut, annertuumillu pisortat suliassaataannik ingerlatsisut annertuumillu pisortanit aqunneqartut nakkutigineqartullu, aamma

3) (Atuutilersinneqassanngilaq)

*Imm. 2.* (Atuutilersinneqassanngilaq)

§ 4. (Atuutilersinneqassanngilaq)

§ 5. (Atuutilersinneqassanngilaq)

§ 6. Suliffeqarfik il.il. § 3-mut ilaatinneqannginngitsoq suliassinneqarpat inatsisiliomerit malillugit pisortanit isumagineqartussamik, ingerlatsinermut oqartussat pineqartut qularnaassavaat suliffeqarfiup il.il. suliassap isumagineqarnera pillugu oqartussamat ingerlaavartumik paasissutissiisarnissaa. Paasissutissat pineqartut ingerlatsinermut oqartussanut pineqartuni inatsimmi malittarisassat nalinginnaasut malillugit paasitinneqarsinnaatitaanermut ilaapput.

## Kapitali 2

### *Paasitinneqarsinnaatitaaneq il.il.*

#### *Paasitinneqarsinnaatitaaneq pillugu pingaarnertut malittarisaasaq*

§ 7. Kinaluunniit piumasaqarsinnaavoq oqartussanit il.il., ingerlatsinerminnut atatillugu allaffissornikkut suliassamik sularinninnerannut ilagitillugu, allakkiat tiguneqarsimasut pilersinneqarsimasulluunniit takunissaannik.

*Imm. 2.* §§-ini 19-35 ilaatinneqanngitsut taaneqartut saniatigut paasitinneqarsinnaatitaanermut ilaapput

1) allagaatit sugaluartulluunniit suliassamut pineqartumut tunngasut, aamma

2) suliassamut pineqartumut tunngatillugu allagaatit pillugit allagaateqarfinnut, nalunaarsuivinnut assigisaannullu allanut nalunaarsukkat.

*Imm. 3.* Imm. 2, nr. 1, malillugu allakkiamik oqartussamit il.il. nassiunneqarsimasumik paasitinneqarsinnaatitaaneq aatsaat atuutilertarpoq allakkiap nassiunneqarnerata aqaguaniit.

#### *Nammineq paasisutissanik pissarsiniarsinnaaneq*

§ 8. Inuk, inuttut atugai allakkiami eqqartorneqartut, taamaattorli paasisutissat §§-ini 19-29-imi aamma § 35 pinnagit, piumasaqarsinnaavoq tamanna pillugit paasisutissat takunissaannut. Tamanna atuutissanngilaq isiginiagassat §§-ini 31-33-mi taaneqartut piumasaqartulluunniip nammineq allalluunniit isiginiarneqarnissaat pingaarutilimmik tunngavissaappata.

#### *Suussusersiisinaanissamut piumasaqaat*

§ 9. §§-it 7 aamma 8 malillugit paasitinneqarnissamik qinnuteqaat

1) paasisutissanik suliassap allagaatilluunniit paasisaqarfigerusutat suussusersineqarnissaanut pisariaqartunik imaqassaaq, aamma

2) sammisaq suliassami allakkiamiluunniit pineqartoq taaneqarsimasalluni.

*Imm. 2.* § 7 malillugu paasitinneqarnissamik qinnuteqaatip suliarineqarneranut naapertuutinnngitsumik nukissanik atuiffiusariaqassappat imaluunniit

1) qinnuteqaatip suliarineqarneranut naapertuutinnngitsumik nukissanik atuiffiusariaqassappat imaluunniit

2) qinnuteqaat naatsorsuutigisariaqarpat siunertamut inatsisinut naapertuutinnngitsumik assigisaannilluunniit siunertaqartoq.

#### *Qarasaasiatigut katersanik paasitinneqarsinnaatitaaneq*

§ 10. Paasitinneqarsinnaatitaanermut ilaanngillat qarasaasiatigut paasisutissanik katersuiviusut, taakkununga ilanngullugit nalunaarsuiviit allatulluunniit aaqjissuussamik nalunaarsuiviit qarasaasiakkut paasisutissanik suliarinniffiusartut, taamaattorli nalunaarsuiviit § 7, imm. 2, nr. 2-mi taaneqartut pinnagit.

*Imm. 2.* Ministeri pineqartoq inatsisitigut inuttut isigineqarsinnaasut qarasaasiatigut paasisutissanik katersuiviusuni il.il. imm. 1-imi taaneqartuni

namminneq pillutik paasissutissanik ilisimatinneqarsinnaanerit pillugu malittarisassaiorsinnaavoq.

*Qarasaasiatigut paasissutissanik katersuivinnit sanilliussisinnaatitaaneq  
(qarasaasianit paasissutissanik aallerneq)*

§ 11. Kinaluunniit piunasaqarsinnaavoq ingerlatsinermut oqartussap, oqartussap qarasaasiatigut paasissutissanik katersuviini paasissutissanik pigineqartunik sanilliussillunilu tunniussinissaanik, sanilliussineq ajornangitsumik ingerlanneqarsinnaagaangat. Paasissutissat §§-inut 19-35-imut ilaatinneqarpata sanilliussisinnaatitaaneq aatsaat atuutissaaq, isiginiagassat aalajangersakkani taakkunani taaneqartut naammassineqarsinnaappata ajornangitsumik ilisarsaajunnaarsaanikkut assigisaasigulluunniit. Sanilliussisinnaatitaanerli atuutinngilaq paasissutissat pineqartut naleqquttumik ilusilerlugit tamanit aaneqarsinnaareerpata.

*Imm. 2.* Imm. 1-imi aalajangersagaq atuutissanngilaq inuit pillugit paasissutissanut inuit pillugit paasissutissat suliarineqartarnerat pillugu inatsimmi § 10-mi ilaatinneqartunut.

*Qarasaasiatigut paasissutissat allaaserineqarnerinik paasitinneqarsinnaatitaaneq*

§ 12. Kinaluunniit, ilaatinneqanngitsut §§-ini 31-33-mi taaneqartut eqqaassanngikkaanni, piunasaqarsinnaavoq paasissutissat qarasaasiat atorlugit paasissutissanik katersuivinniittut suussusiisa allaaserineqarnerinik, paasissutissat taakku sunik tunngaveqarnerinik kiisalu qarasaasiani paasissutissanik katersuviup (qarasaasiatigut paasissutissat allaaserineqarneri) ilusilerneqarnera pillugu paasitinneqarnissaminik. Pisinnaatitaaffik tamanna atuuppoq qarasaasiatigut paasissutissanik katersuviit aalajangersimsumik suliaassanik suliarinninnermut atatillugu imaluunniit nalilersuilluni misissueqqissaarnernik, naatsorsuinernik assigisaannillu suliaqarnermut atatillugu ingerlatsinermut oqartussat atugaat eqqarsaatigalugit.

*Imm. 2.* Ministerip pineqartup aningaasaqarnermut ministeri isumaqatiginiareerlugu aalajangersinnaavaa ministeriaqarfinni naalakkersuisoqarfiit taakkulu ataanni aqutsisoqarfiit pisortaqaqfiillu erseqqinnerusumik taasat qarasaasiatigut paasissutissat allaaserineqarnerinik imm. 1-imut ilaatinneqartunik suliaqassasut, oqartussat taamaattumik peqariinngippata. Aningaasaqarnermut nunamilu namminerli pissutsinut ministerip kommune nunalluunniit immikkoortua pineqartoq isumaqatiginiareerlugit aalajangersinnaavaa kommunimi nunalluunniit immikkoortuani qitiusumik ingerlatsivik qarasaasiatigut paasissutissat allaaserineqarnerinik imm. 1-imut ilaatinneqartunik suliaqassasut, oqartussat taamaattumik peqariinngippata.

*Imm. 3.* Ingerlatsinermut oqartussat, qarasaasiatigut paasissutissanik katersuiviit imm. 1-imi taneqartut inatsisillu atuutilernerata kingorna piler-sinneqartut ineriartortinneqartulluunniit eqqarsaatigalugit, qularnassaavaat qarasaasiatigut paasissutissat allaaserineqarnissat imm. 1 naapertorlugu taassuminnga paasitinneqarsinnaanissaq siunertaralugu. Tamannali atuutis-sanngilaq qarasaasiatigut paasissutissat allaaserineqarnisa suliarineqarnerat nukissanik annertuallaanik tigusissappat.

#### *Allakkiortussaataitaneq*

§ 13. Suliassani oqartussanit il.il. aalajangiivigineqartussani, oqartussaq il.il. pineqartoq oqaasiinnakkut allatigulluunniit paasisaqaruni suliassamut tunngavioorpiartumik imaluunniit suliaq pillugu avataaneersut naliliinerinik suliap aalajangiivigineqarnissaanut pingaaruteqartunik piaartumik paasis-sutissat naliliinerilluunniit imarisaat pillugit sapinngisamik piaartumik al-lakkiussaaq. Tamannali atuutissanngilaq paasissutissat naliliinerillu allati-gut suliamut atatillugu allakkiani takuneqarsinnaappata.

*Imm. 2.* Oqartussat il.il. suliassani aalajangiivigineqartussani taamatut-taaq sapinngisamik piaarnerpaamik suliap ingerlanneqarnerani alloriarnerit pingaarutillit suliamut atatillugu allakkiani takuneqarsinnaanngitsut pil-lugit allakkiussappat.

*Imm. 3.* Imm. 1 aamma 2 malillugit allakkiortussaataitaneq eqqartuus-sisarnerup pinerluttulerinerulluunniit iluani suliassat suliarineqarnerinut atuutinngilaq.

#### *Annertunerusumik paasitinneqarsinnaatitaanermik tunngaveqarneq*

§ 14. Paasitinneqarsinnaatitaanermik qinnuteqaatip suliarineqarneranut atatillugu isumaliutigineqassaaq §§ 23-35 malillugit paasitinneqarsinnaati-taanermit annertunerusumik allagaatinut paasissutissanullu paasitinneqar-sinnaasoqassanersoq. Annertunerusumik paasitinneqarsinnaasoqassaaq, ta-manna inatsisiliornernut allanut akerliunngippat, soorlu nipangiussisussaa-titaaneq pillugu malittarisassanut aamma inuit pillugit paasissutissat sulia-rineqartarnerat pillugu inatsimmi malittarisassanut.

*Imm. 2.* Imm. 1 aamma atuuppoq allagaatinik paasissutissanillu sulias-sani §§-it 19-21 malillugit paasitinneqarsinnaanermut ilaasuni paasitin-neqarnissamik qinnuteqaatit suliarineqarnerinut atatillugu.

## Kapitali 3

### *Allagaatinik nalunaarsuineq, allakkat nalunaarsorsimaffii og aktiv information*

#### *Allagaatinik nalunaarsuineq*

§ 15. Allagaatit ingerlatsinermut oqartussanit, sulinerminut atatillugu allaffissornikkut suliaassanik suliarinninneranut ilaatillugu, tiguneqarsimasut nassiunneqarsimasulluunniit, nalunaarsorneqassapput allakkiaq suliamut suliaassanilluunniit ingerlatsinermut allatigut pingaaruteqarpat. Tamanna aamma atuuppoq suliffeqarfiup iluani allakkianut inaarutaasutut pigineqartunut.

*Imm. 2.* Allakkiaq imm. 1-imut ilaatinneqartoq ingerlatsinermullu oqartussanit tiguneqarluniluunniit nassiunneqartoq, allakkiap tiguneqarnerata nassiunneqarnerataluunniit kingorna piaartumik allagaatitut nalunaarsorneqassaaq.

*Imm. 3.* Allagaatinik nalunaarsueriaaseq imatut aqqissuunneqarsimasaaq allagaatit toqqortorneqartut pillugit paasissutissanik makkuninnga imaqaassalluni:

- 1) Allagaatip tiguneqarnerata nassiunneqarnerataluunniit ullua.
- 2) Allagaatip imarisaasata qulequtaasa naatsumik taaneqarneri.

*Imm. 4.* Imm. 1-3 malillugit nalunaarsuisussaataaneq naalagaaffimmi ingerlatsinermut oqartussanut § 2-mi ilaatinneqartunut aamma kommunini nunallu immikkoortuini susassaqtunut, kommunit nunallu immikkoortuini oqartussat qitiusumik ingerlatsiviisut taaneqarsinnaasunut atuutissaaq.

*Imm. 5.* Ministeri pineqartoq inatsisinik atuutsitsinermut ministeri isumaqatiginiareerlugu ingerlatsinermut oqartussat il.il. imm. 4-mut ilaatinneqartut allagaatinik nalunaarsuisussaataanermik pisussaaffimmut tamakkiisumik ilaannakortumilluunniit ilaatinneqannginnissat pillugu mallittarisassanik aalajangersaasinnaavoq.

*Imm. 6.* Ministeri pineqartoq inatsisinik atuutsitsinermut ministeri isumaqatiginiareerlugu imm. 1 aamma 2 malillugit allagaatinik nalunaarsuisussaataanerup aamma kommunini nunallu immikkoortuini ingerlatsivinnut imm. 4-mi ilaatinneqanngitsunut aamma atuutissasoq pillugu mallittarisassanik aalajangersaasinnaavoq.

#### *Allakkat nalunaarsorsimaffii*

§ 16. Inatsisinik atuutsitsinermut ministerip, ministeri pineqartoq isumaqatiginiareerlugu aalajangersinnaavaa ministeriaqarfinni naalackersuisoqarfiit kiisalu taassuna ataani aqutsisoqarfiit pisortaqaqfiillu erseqqinneru-

sumik taasat, allagaatinut ulloq taanna oqartussanit tiguneqartunut nassiunneqartunulluunniit nalunaarsuusiussasut (allakkat nalunaarsorsimaffii). Aningaasaqarnermut nunamilu namminerimi pissutsinut ministerip kommune nunalluunniip immikkoortua pineqartoq isumaqatiginiareerlugit aalajangersinnaavaa kommunimi nunalluunniit immikkoortuani qitiusumik ingerlatsiviit allagaatinut ulloq taanna qitiusumik oqartussanit tiguneqartunut nassiunneqartunulluunniit nalunaarsuusiussasut (allakkat nalunaarsorsimaffii).

*Imm. 2.* Imm. 1 malillugu aalajangiisoqarpat allakkat nalunaarsorsimaffii oqartussat nittartagaanni tamanut saqqummiunneqartassapput. Allakkat nalunaarsorsimaffii allagaatit tiguneqartut pillugit paasissutissanik makku-ninnga imaqaassaaq:

- 1) Allagaatip tiguneqarnerata nassiunneqarnerataluunniit ullua.
- 2) Allagaatimik tiguisussap nassiussisulluunniip aqqa suussusialuuniit.
- 3) Allagaatip imarisaasata qulequtaasa naatsumik taaneqarneri.
- 4) Nalunaarsuinerimi normua allatulluunniit suussusersineqarsinnaara.

#### *Timitalimmik paasissutissiisarneq*

§ 17. Ingerlatsinerimi oqartussat oqartussap nittartagaatigut suliatik pillugit innuttaasunut paasissutissiisassapput.

*Imm. 2.* Ingerlatsinerimi oqartussat imm. 1 malillugu paasissutissiisusaatitaaneq pillugu najoqqutassiussapput.

*Imm. 3.* Imm. 1-imi 2-milu aalajangersakkat ministeriaqarfinni naalakkersuisoqarfinnut taakkulu ataanni aqutsisoqarfinnut pisortaqarfinnullu aamma aalajangiisartutut ataatsimiititalianut siunnersuisoqatigiinnullu arlaannaannulluunniit attaveqanngitsunut kiisalu kommunini nunallu immikkoortuini qitiusumik ingerlatsivinnut atuupput.

#### *Paasitinneqarsinnaatitaaneq pillugu nittartagaq*

§ 18. Internettimi nittartakkamik ingerlatsisoqassaaq paasitinneqarsinnaatitaaneq pillugu inatsisinik, allaffissornikkut peqqussutinik inatsisissatullu siunnersuutinik Folketingillu Ombudsmandiata oqaaseqaataanik imalimmik.

## Kapitali 4

### *Pisortat ingerlatsinerat pillugu paasitinneqarsinnaatitaanermut ilaatinneqanngitsut*

#### *Suliat paasitinneqarsinnaatitaanermut ilaatinneqanngitsut*

§ 19. Paasitinneqarsinnaatitaanermut ilanngillat suliassat eqqartuussisarnermut pinerluttulerinermullu tunngasut, taamaattorli imm. 2 takuuk.

*Imm. 2.* Akiliisussanngortitaanerit inatsisilerinikkut inuttut isigineqarsinnaasunit akuerineqarsimasut, inatsimmi nalinginnaasumik malittarisassat malillugit paasitinneqarsinnaatitaanermut ilaapput.

*Imm. 3.* Imm. 2 atuutinngilaq politiinit unnerluussisussaataasunilluunniit akiliisussanngortitsinerit.

§ 20. Paasitinneqarsinnaatitaanermut ilaanngillat suliassat inatsisiliornerit tunngasut, aningaasaliissutitut inatsisit ilanngullugu, inatsisissatut siunnersuutit Folketingimut saqqummiunneqarsimanngippata.

§ 21. Paasitinneqarsinnaatitaanermut ilaanngillat pisortat suliffeqarfiini atorfinitsitsinerit qaffatsinneqarnerilluunniit.

*Imm. 2.* Paasitinneqarsinnaatitaaneq, § 8-mi aalajangersagaq eqqaassanngikkaanni, aamma atuutinngilaq inuit ataasiakkaat pisortani atorfeqarnerat pillugu suliassani allani, taamaattorli imm. 3 aamma 4 takukkit.

*Imm. 3.* Suliassani imm. 2-mi taaneqartuni inatsimmi nalinginnaasumik malittarisassat naapertorlugit atorfeqartup aqqa, atorfia, ilinniagaqarnera, suliassai, akissarsiai sulinerminullu atatillugu angalaneri pillugit paasisuttissiisoqarsinnaavoq. Pisortatut atorfillit eqqarsaatigalugit taamatuttaaq inatsimmi nalinginnaasumik malittarisassat mianersoqquneqartarsimanikkut annertunerusumilluunniit iliorfigineqartarsimanerit pillugit paasisutissanut atuupput. Tamannali taamaallaat atuuppoq inaarutaasumik aalajangiinerup kingorna ukiunut marlunnet.

*Imm. 4.* Suliassani imm. 2-mi taaneqartuni paasisutissat imm. 3-mi taaneqartut saniatigut inatsimmi nalinginnaasumik malittarisassat naapertorlugit oqartussani il.il. pineqartuni qulliunerusumik najoqqutassat pillugit aqutsisut qullersaata isumaqatigiissutaa pillugu paasitinneqarsinnaatitaaneq nalunaarutigineqarsinnaavoq.

*Imm. 5.* Inatsisinik atuutsitsinerit ministerip aalajangersinnaavaa, suliassani imm. 2-imut ilaatinneqartuni paasitinneqarsinnaatitaaneq taamatuttaaq atuutissaq paasisutissanut allanut imm. 3 aamma 4-mi taaneqanngitsunut.

*Imm. 6.* Imm. 1-5 taamatuttaaq suliffeqarfinnut il.il. § 3 malillugu inatsimmut ilaatinneqartunut atuupput.



§ 22. Paasitinneqarsinnaatitaanermut qaammatisiuteqarneq ilaatinneqanngilaq.

*Nammineq atugassatut allagaatinik ilaatitsinnginneq*

§ 23. Pisortat ingerlatsinerat pillugu paasitinneqarsinnaatitaanermut nammineq atugassatut allagaatit ilaatinneqanngillat. Nammineq atugassatut allagaatitut isigineqarput

- 1) allakkiat, avataaneersunut ingerlatinneqanngitsut,
- 2) § 24, imm. 1 malillugu piffissani ministerip atorfillit siunnersuinerannik ikiuunneranillu pisariaqartitsivigisaani pisariaqartitsivigisassaaniluunniit naatsorsuuteqassalluni erseqqissunik pissutissaqarfiusuni allakkiat, aamma
- 3) § 25 malillugu aningaasaqarnermut naalackersuiner mulluunniit tungasuni isumaqatigiinniarnernut atatillugu imaluunniit kommunit nunalluunniip immikkoortuini oqartussat ataatsimut naalackersuinnikkut suliniutiginiagaasa oqallisigineqarnerinut atatillugu allakkiat.

*Imm. 2.* Allakkiat imm.1-imut ilaatinneqartut, avataaneersunut ingerlatinneqartut nammineq atugassatut allagaatitut isigineqarunaartarput, ingerlatitsineq inatsisitigut pissuteqartumik, ilisimatusarnermi atugassatut taamaaqataanilluunniit pissuteqartumik pinngippat.

*Imm. 3.* Aningaasaqarnermut nunamilu namminermi pissutsinut ministerip KL (Danmarkimi kommunit kattuffiat) aamma Danske Regioner (Danmarkimi nunap immikkoortuini oqartussat) isumaqatiginiareerlugit malittarisassanik aalajangersaasinnaavoq suliffiup iluani allagaatit kommuninit nunalluunniit immikkoortuini oqartussanit tigummineqartut naammassineqarsimasullu paasitinneqarsinnaatitaanermut ilaatinneqassanersut.

§ 24. Paasitinneqarsinnaatitaanermut ilaangillat piffissani ministerip atorfillit siunnersuinerannik ikiuunneranillu pisariaqartitsivigisaani pisariaqartitsivigisassaaniluunniit naatsorsuuteqassalluni erseqqissunik pissutissaqarfiusuni uku akornanni suliffiup iluani allakkiat paasissutissallu:

- 1) Ministeriaqarfiup naalackersuisoqarfiata taassumalu ataani oqartussat alliunerusut.
- 2) Ministeriaqarfiit assigiinngitsut.

*Imm. 2.* Imm. 1 apeqqutaatinnagu suliaq pillugu paasissutissat tunngavitusut il.il. pillugit paasissutissat §§-ini 28-mi 29-milu malittarisassat malillugit paasitinneqarsinnaatitaanermut ilaapput inatsimmi nalinginnaasumik malittarisassat malillugit.

*Imm. 3.* Naak naatsorsuutigineqartariaqaraluartoq ministeri suliassamut pineqartumut il.il. atatillugu atorfilittat siunnersuinerannik ikiuunnerannil-

luunniit pisariaqartitsisoq pisariaqartitsissasorluunniit, imm. 1 atuutis-  
sanngilaq

- 1) suliassani, ingerlatsinermut oqartussanit erseqqinnerusumik aalaja-  
ngiiviusimasuni aalajangiiviusussaniluunniit,
- 2) isumaqatigiissuteqarnissaq pillugu suliassani aamma
- 3) ministeriaqarfiup nakkutilliilluni suliassaminik ingerlatsineranut ata-  
tillugu.

§ 25. Paasitineqarsinnaatitaanermut ilaangillat aningaasaqarnermut  
naalackersuiner Mulluunniit tunngasuni isumaqatigiinniarnernut atatillugu  
imaluunniit kommunit nunalluunniip immikkoortuini oqartussat ataatsimut  
naalackersuinikkut suliniutiginiagaasa oqallisigineqarnerinut atatillugu  
KL-ip, Danske Regioner kiisalu taakku ilaasortaasa akornanni allakkiat  
paasissutissallu nassiunneqartut.

§ 26. § 23, imm. 1 apeqqutaatinnagu paasitineqarsinnaatitaanermut  
ilaapput nammineq atugassatut allakkiat inaarutaasut naammassineqarsi-  
masut,

- 1) allakkiani suliame aalajangiineq pillugu inaarutaasumik aalajangiine-  
rup imarisa taamaallaat saqqummiunneqarpat,
- 2) allakkiat paasissutissanik § 13 malillugu allakkiarineqartussaati-  
taasunik ingerlatitseqqiiginnarpata,
- 3) allagaatit allanut tunngassuteqanngippata, taamaallaalli suliarine-qar-  
simallutik suliassamut atatillugu pissusiviusut eqqarsaatigalugit upper-  
narsaasiornissaq taamaaqataanilluunniit erseqqissaateqarnissaq siuner-  
taralugit,
- 4) allakkiat suliassat aalajangersimasut suliarineqarnissaannut nalingin-  
naasumik najoqqutassianik imaqarpata imaluunniit
- 5) allakkiat suliassa qarfinni aalajangersimasuni suleriaatsinik aqqis-  
suussaamik allaaserineqarnerinik imaqarpata.

*Allagaatit allat ilaatinneqanngitsut*

§ 27. Paasitineqarsinnaatitaanermut ilaatinneqanngillat:

- 1) Statsrådip ataatsimiinnerinit allattugaatit.
- 2) Allagaatit suliassanut inatsisiliornernut taamaaqataanilluunniit naa-  
lackersuinikkut suliniarnernut tunngasunut atatillugu ministerit folke-  
tingimullu ilaasortat akornanni suliarineqarlutillu nassiunneqarsimasut.
- 3) Allagaatit oqartussap oqartussat allat sinnerlugit allattoqarfittut suli-  
assanik isumaginninneranut atatillugu nasisunneqartut.
- 4) Eqqartuussivitsigut suliassani imaluunniit eqqartuussivitsigoortumik  
suliassanngortitsisoqassanersoq isumaliuteqarnermi atugassanik immik-  
kut ilisimasalinnik allaffigeqatigiittarnerit.

5) Atortussat pisortat kisitsisitigut paasissutissiornissaannut ilisimatarnikkulluunniit misissuinissanut atatillugu tunngavissatut pissarsiarineqartut.

*Pissutsit pillugit paasissutissanik avataaneersullu suliamut tunngatillugu naliliinerinik nalunaaruteqarneq*

§ 28. Allakkianik § 23, § 24, imm. 1, § 25 aamma § 27, nr. 1-4 taaneqartunik paasitinneqarsinnaatitaanermut aalajangersakkat taakku apeqqutaatinnagit ilaapput suliamut tunngatillugu pissutsit pillugit paasissutissat, paasissutissat taakku suliamut attuumassuteqarpata. Tamanna aamma atuuppoq avataaniit suliaq pillugu naliliinerit allakkiani § 23, § 24, imm. 1, § 25 aamma § 27, nr. 1-3-mut ilaatinneqartuni nassaarineqarsinnaasuni paasissutissat eqqarsaatigalugit.

*Imm. 2.* Imm. 1 atuutissanngilaq, tamanna

- 1) naapertuutinnngitsumik nukissanik atuinissamik pisariaqartitsiviussapat,
- 2) paasissutissat pineqartut paasitinneqarnissamik qinnuteqarnermut atatillugu allakkiani allani tunniunneqartuni takuneqarsinnaappata, imaluunniit
- 3) paasissutissat kikkunnit tamanit takuneqarsinnaareerapata.

*Suliffiup iluani suliamik naliliinernik nalunaaruteqarneq*

§ 29. Allakkianik § 23, § 24, imm. 1, § 25 aamma § 27, nr. 1-3-mut ilaatinneqartunik paasitinneqarsinnaatitaanermut ilaapput aalajangersakkat taakku apeqqutaatinnagit suliffiup iluani sulianut atatillugu inaarutaasumik naliliinerit, paasissutissat inatsisissatut siunnersuut saqqummiunneqarsimasoq imaluunniit nassuiaat, iliuousissatut pilersaarut assigisaalluunniit pillugit suliamut ilaappata. Tamannali atuutinnngilaq suliffiup iluani suliamut atatillugu naliliinerit pillugit paasissutissanut, allakkiani ministerimik siunnersuinerimut imaluunniit KL-imut aamma Danske Regionernut siulittasoqarfinnik siunnersuinerimut atugassatut suliarineqarsimasuni.

*Imm. 2.* § 28, imm. 2 taamatutaaq atuutissaaq.

*Inummut namminermut tunngasut aamma ingerlatsinermut niuernermullu pissutsit il.il. pillugit paasissutissat ilaatinneqannginneri*

§ 30. Paasitinneqarsinnaatitaanermut ilaatinneqanngillat makku pillugit paasissutissat

- 1) inuit ataasiakkaat nammineq, ilaatigut aningaasaqarniarnikkut, atugaat aamma

2) teknikikkut aqqissuussinerit periaatsilluunniit imaluunniit ingerlatsinermut niuernernulluunniit pissutsit assigisaallu, paasissutissat inummut suliffeqarfimmulluunniit paasissutissani pineqartumut aningaasaqarniarnikkut annertuumik ima pingaaruteqartigippata qinnuteqaat itigartinneqartariaqarluni.

*Naalagaaffiup isumannaassusia illersorneqarnissaaluunniit eqqarsaatigalugit paasissutissat ilaatinneqanngitsut*

§ 31. Paasitinneqarsinnaatitaaneq killilerneqarsinnaavoq tamanna naalagaaffiup isumannaassusianut illersorneqarnissaanulluunniit annertuumik pingaaruteqarpat.

*Naalagaaffiup nunanut allanut tunngasutigut naalackersuinikkut soqutigisai il.il. eqqarsaatigalugit paasissutissat ilaatinneqanngitsut*

§ 32. Naalagaaffiup nunanut allanut tunngasutigut naalackersuinikkut soqutigisai il.il., taakkununga ilanngullugit nunanut allanut nunalluunniit tamalaat akornanni suliniaqatigiiffinnut pissutsit, eqqarsaatigalugit paasitinneqarsinnaatitaaneq killilerneqarsinnaavoq, isertuussisussaataaneq EUp inatsisaanik nunalluunniit akornanni malittarisassatigut pisussaaffinnik assigisaannilluunniit tunngaveqarpat.

*Imm. 2.* Paasitinneqarsinnaatitaaneq tamatuma saniatigut killilerneqarsinnaavoq tamanna naalagaaffiup nunanut allanut tunngasutigut naalackersuinikkut soqutigisai il.il., tamatumunnga ilanngullugit nunanut allanut nunalluunniit tamalaat akornanni suliniaqatigiiffinnut pissutsit, eqqarsaatigalugit isiginiagassat pingaarutillit illersorneqarnissaannut pisariaqarpat.

*Paasissutissat allat ilaasa ilaatinneqannginneri*

§ 33. Paasitinneqarsinnaatitaaneq killilerneqarsinnaavoq tamanna pisariaqarpat isiginiagassat makku pingaarutillit illersorneqarnissaannut:

1) inatsisinik unioqqutitsinerik pinaveersaartitsinerup, misissuinerup malersuinerullu, eqqartuussummik timitaliinerup, pineqaatissiinerit assigisaasalu naammassineqarnissaasa aamma eqqartuussisarneq, pilerlutulerineq suliffimmilu naalasseriinneq pissutigalugit malersugaanernik suliani unnerluutigineqartunik, ilisimanittunik allanillu illersuinerup.

2) Pisortanit nakkutilliinerup, malittarisassaartitsinerup pilersaarusernerullu ingerlanneqartarnerata imaluunniit akileraartarnermut akitsuusiisarnermullu inatsisit naapertorlugit iliuuserisassatut eqqarsaatigineqartut.

3) Pisortat aningaasaqarniarnikkut soqutigisaasa, pisortat suliaminnik ingerlatsinerata naammassineqarnera ilanngullugu.

4) Ilisimatusartut eqqumiitsuliortullu pilersitseqqartutut isumassarsi-aasa kiisalu ilisimatusarnikkut angusaagallartut najoqqutassallu.

5) Namminersortut pisortallu soqutigisaasa, pissutsip immikkut pissu-teqarnera pissutigalugu isertuussinissaq pisariaqartillugu.

*Allakkiap ilaanik paasitinneqarsinnaatitaanermik nalunaaruteqarneq*

§ 34. Isiginiagassat §§-ini 30-33-imi taaneqartut taamaallaat allakkiap ilaanut atuuppata allakkiap imarisaanik allanik paasitinneqarsinnaatitaaneq akuerineqassaaq. Tamannali atuutinngilaq, tamanna

1) isiginiagassat §§-ini 30-33-mi taaneqartut sumiginnarneqarnerannik kinguneqassappat,

2) erseqqilluinnartumik paatsiveerussaataasunik paasissutissiinermik kinguneqassappat, imaluunniit

3) allakkiap imarisaasa sinneri paasineqarsinnaasumik ataqatigiissinneqarsinnaasumilluunniit imaqanngippata.

*Nipangiussisussaataitaanermut tunngasut*

§ 35. Paasissutissanik nalunaaruteqarnissamut pisussaaffik nipangiussimannittussaataitaaneq pillugu immikkut aalajangersakkanit inatsisitigut aalajangersarneqarsimasunit imaluunniit inunnut pisortani sulisunut atuuffeqartunulluunniit inatsit tunngavigalugu aalajangersarneqarsimasunit killilernerneqarsimavoq.

Kapitali 5

*Paasitinneqarsinnaatitaanermik il.il. qinnuteqaatit suliarineri aalajangiivigineqarnerilu*

*Paasitinneqarsinnaatitaanermik il.il. qinnuteqaatit suliarineqarneri*

§ 36. Suliamut oqartussamit il.il. aalajangiivigineqarsimasumut aalajangiivigineqartussamulluunniit atatillugu allakkianik paasitinneqarnissamik qinnuteqartoqarpat, oqartussap il.il. pineqartup aalajangissavaa qinnuteqaat naammassineqarsinnaassanersoq. Pisuni allani paasitinneqarnissamik qinnuteqaatit aalajangiivigineqartassappat oqartussanit il.il. allakkiamik tigu-miartumit.

*Imm. 2.* Oqartussap il.il. pineqartup piaartumik aalajangissavaa paasitinneqarnissamik qinnuteqaat naammassinneqarsinnaanersoq. Paasitinneqarnissamik qinnuteqaat tiguqarnermi kingorna ullut suliffiusut arfineq-marluk qaangiutinnginneranni naammassillugu suliarineqassaaq, tamanna ass. suliassap annertussusia imaannaannginneralu pissutigalugit ajornan-

ngikkaangat. Ajornassappat piffissaliussap qaangerneqarneranut pissutaasut pillugit naammagittaalliuuteqartoq ilisimatinneqassaaq, taamatullu aamma qaqugu aalajangiisoqarnissaa naatsorsuutigineqarsinnaanersoq ilisimatinneqassalluni.

*Imm. 3.* Imm. 2 taamatutaaq atuutissaaq § 11 naapertorlugu paasisutisani sanilliussinissaaq aamma § 12 naapertorlugu qarasaasiatigut paasisutissat allaaserineqarnerinik paasisaqarnissaaq pillugu aalajangiinerit naammagittaalliuutigineqarnerinut atatillugu.

*Imm. 4.* Ministeri pineqartoq aalajangersakkanik imm.1-imi malittarisassamit allaanerusunik aalajangersaasinnaavoq.

*Paasitinneqarsinnaatitaaneq il.il. pillugit aalajangiinerit naammagittaalliuuteqarneq*

§ 37. Paasitinneqarsinnaatitaaneq pillugu aalajangiinerit oqartussanut suliasani paasitinneqarnissamik qinnuteqarnermut tunngasuni aalajangiinerinut allatigullu suliarinninnermut atatillugu qulliunerusumik naammagittaalliuuteqartarfiusumut immikkut toqqaannartumillu naammagittaalliuutigineqarsinnaapput.

*Imm. 2.* Naammagittaalliuut oqartussanut il.il. aalajangiinerat naammagittaalliuutigineqartumut nassiunneqassaaq. Oqartussat aalajangiineq aalajangiusimaniarunikku piaartumik kingusinnerpaamillu naammagittaalliuutigineqarneraniit ullut suliffiusut arfineq-marluk qaangiutinnginneranni suliasaaq tassungalugu atatillugu allakkiaq naammagittaalliuuteqarfissamut ingerlateqqissavaat.

*Imm. 3.* Naammagittaalliuuteqarfissap paasitinneqarnissamik qinnuteqaat pillugu aalajangiinerup naammagittaalliuutigineqarnerata tiguneqarneraniit ullut suliffiusut 20-it qaangiutsinnagit naammagittaalliuut naammassillugu suliarisimassavaa, tamanna ass. suliap annertussusia imaan-naanginneralu pissutigalugit ajornassanngippat. Ajornassappat piffissaliussap qaangerneqarneranut pissutaasut pillugit naammagittaalliuuteqartoq ilisimatinneqassaaq, taamatullu aamma qaqugu aalajangiisoqarnissaa naatsorsuutigineqarsinnaanersoq ilisimatinneqassalluni.

*Imm. 4.* Ministerip pineqartup inatsisunik atuutsitsinermut ministeri isumaqatiginiareerlugu aalajangersarsinnaavaa oqartussat allat imm. 1-imi taaneqanngitsut naammagittaalliuuteqartarfiusasut.

*Imm. 5.* Imm. 2-4 taamatutaaq atuutissapput § 11 naapertorlugu paasisutisani sanilliussinissaaq aamma § 12 naapertorlugu qarasaasiatigut paasisutissat allaaserineqarnerinik paasisaqarnissaaq pillugu aalajangiinerit naammagittaalliuutigineqarnerinut atatillugu.

*Imm. 6.* Ministeri pineqartoq suliffeqarfiit il.il. § 3-mut ilaatinneqartut paasitinneqarsinnaatitaanermik qinnuteqarnermut atatillugu aalajangiinerisa

naammagittaalliuutigineqarsinnaanerat pillugu malittarisassanik aalajangersaasinnaavoq.

§ 38. Suliassani allaffissornikkut naammagittaalliuuteqarnissamut periarfissaqarfiunngitsuni paasitineqarnissamik qinnuteqaatip itigartinneqarnissaanik kommunip, nunap immikkoortuani oqartussat kommunilluunniit suleqatigiiffiata aalajangiineri, kommunit nunallu immikkoortuini oqartussat nakkutilliisoqarfiannut naammagittaalliuutigineqarnissaannut periarfissaqarneranik suleriaatsimillu oqaaseqatigiit aappaanni taaneqartumik ilitersuummik ilaqartinneqassapput. Suliamik kommunit nunallu immikkoortuini oqartussat nakkutilliisoqarfiannut tunniussinissamik saaffiginnissut § 37, imm. 2-mi aaqqissuussineq naapertorlugu kommunimut nunalluunniip immikkoortuani oqartussanut pineqartunut ingerlatinneqassaaq.

*Imm. 2.* Imm. 1 taamatutaaq atuutissaaq § 11 naapertorlugu paasissutisani sanilliussinissaq aamma § 12 naapertorlugu qarasaasiatigut paasissutissat allaaserineqarnerinik paasisaqarnissaq pillugu aalajangiinernut atatilugu.

#### *Piffissamik suliarinninnermut atorneqartumik naammagittaalliuuteqarneq*

§ 39. Oqartussat paasitineqarnissamik qinnuteqaat tiguneqarneraniit ullut suliffiusut 14-it iluanni naammassillugu suliarisimangippassuk, piffissaq suliassamik suliarinniffiusoq oqartussanut suliassami pineqartumi aalajangiinissaq allatigulluunniit suliarinninneq eqqarsaatigalugit qullertut naammagittaalliorfiussamut immikkut toqqaannartumillu naammagittaalliuutigineqarsinnaapput.

*Imm. 2.* Naammagittaalliuut oqartussanut piffissamik suliamik suliarinninnermut naammagittaalliuutigineqartumut nassiunneqassaaq. Oqartussat naammagittaalliuutip tiguneqarneraniit kingusinnerpaamik ullut suliffiusut arfineq-marluk qaangiunneranni paasitineqarnissamik qinnuteqaat naammassillugu suliarisimangikkuniuk naammagittaalliuut naammagittaalliuuteqartarfiimmuut ingerlateqqissavaa piffissaq suliassaminik suliarinniffiusoq pillugu tunngavilersuutitalimmik. Naammattumik tunngavilersugaangitsumik kinguaattoortoqartillugu naammagittaalliuuteqartarfik immikkut ittumik paasitineqarsinnaatitaanissaq pillugu aalajangiisinnaavoq.

*Imm. 3.* Naammagittaalliuuteqartarfiup piffissamik suliarinniffiusumik naammagittaalliummik tigusaqarnermi kingorna ullut suliffiusut 20-it qaangiutsinnagit naammagittaalliummik suliaqarnini naammassisimassavaa, tamanna ass. suliassap annertussusia imaannaannginneralu pissutigalugit ajornanngikkaangat. Tamanna ajornaraangat piffissap qaangerneqarneranut pissutaasut pillugit, taamatullu aamma naammagittaalliuutip qaqu-

gu naammassillugu suliarineqarnissaa naatsorsuutigineqarsinnaanersoq pillugit naammagittaalliuteqartoq ilisimatinneqassaaq.

*Imm. 4.* Ministerippineqartup inatsisinik atuutsitsinermut ministeri isumaqatiginiareerlugu aalajangersarsinnaavaa oqartussat allat imm. 1-imi taaneqanngitsut naammagittaalliuteqartarfiussasut.

*Imm. 5.* Oqartussat § 11 naapertorlugu paasissutissat ataatsimut allanneqarnissaannik imaluunniit § 12 naapertorlugu qarasaasiatigut paasissutissat allaaserineqarnerinik paasitinneqarnissamik qinnuteqaat tigureqarneraniit ullut suliffiusut 14-it iluanni naammassillugu suliarisimangippassuk, piffissaq suliassamik suliarinniffiusoq immikkut naammagittaalliutigineqarsinnaavoq. Taamatut pisoqartillugu imm. 2-4 taamatutaaq atuutissapput.

#### *Paasitinneqarsinnaatitaanerup il.il. naammassineqarnera*

**§ 40.** Allagaatit tunniunneqassapput qinnuteqaateqartup kissaataatut ilusilerlugit. Tamannali atuutinngilaq,

- 1) tamanna ajornassapput sapernassappalluunniit imaluunniit tamatuma suliarineqannginnissaanut allanik pingaarutilinnik isiginiagassaqarpat, imaluunniit
- 2) atortussat kikkunnit tamanit aaneqarsinnaappata.

*Imm. 2.* Imm. 1 taamatutaaq atuutissaaq paasissutissat ataatsimut allanneqarnissaannik imaluunniit qarasaasiatigut paasissutissat allaaserineqarnerisa paasisaqarfigineqarnissaannik qinnuteqaatit suliarineqarnerinut atavillugu.

*Imm. 3.* Inatsisinik atuutsitsinermut ministeri allagaatit tunniunneqarnerinut kiisalu paasissutissat ataatsimut allanneqarsimanerisa imaluunniit qarasaasiatigut paasissutissat allaaserineqarnerata tunniunneqarnerinut aki-liuteqartarnissaq pillugu malittarisassiorsinnaavoq.

#### *Nalunaartussaataitaneq*

**§ 41.** Suliassani § 21, imm. 2-mi taaneqartuni paasitinneqarnissamik qinnuteqartoqarpat oqartussat sulisoq tamanna pillugu ilisimatissavaat, nalunaarlugu kina taamatut qinnuteqarsimanersoq. Paasitinneqarsinnaaneq pillugu aalajangiisoqarpat oqartussat sulisoq ilisimatissavaat suliami paasissutissat suut tunniunneqarsimanersut.

### Kapitali 6

#### *Atuutilersitsineq ikaarsaariarnermilu aalajangersakkat il.il.*

**§ 42.** Peqqussut ulloq [...] atuutilissaaq.



*Imm. 2.* Paasitineqarnissamik qinnuteqaatit peqqussutip atuutilinnginerani tunniunneqartut inatsit manna malillugu aalajangiivigineqartassapput.

*Imm. 3.* Pisortat ingerlatsinerat pillugu inatsit nr. 572, ulloq 19. december 1985-imeersoq, peqqussutikkut nr. 1187, ulloq 27. december 1994-imeersukkut suliassanut Kalaallit Nunaannut tunngasunut atuutilersineqartoq atuukkunnaarsinneqarpoq.

*Imm. 4.* Imm. 3 atuutissanngilaq suliassanut avatangiisit pillugit paasitissanik paasitineqarsinnaatitaaneq pillugit inatsit malillugu suliarineqartunut.

*Imm. 5.* (Atuutilersinneqassanngilaq)

*Imm. 6.* (Atuutilersinneqassanngilaq)

*Imm. 7.* § 6 malillugu suliassat suliffeqarfimmut il.il. tunniunneqarsimasut isumagineqarnerat pillugu paasissutissanik pissarsisinnaatitaaneq, suliassanut peqqussutip atuutilersinneqarnerata kingorna tunniunneqartunut atuuppoq.

*Imm. 8.* § 15 malillugu allagaateqarfimmut nalunaarsuisussaataaneq, allagaatinut peqqussutip atuutilerana kingorna ingerlatsineranut oqartusamit tiguneqarsimasunut pilersinneqarsimasunulluunniit atuuppoq.

*Imm. 9.* § 21, imm. 4 malillugu paasitineqarsinnaatitaaneq aqutsisunut isumaqatigiissutitut peqqussutip atuutilerana siorna suliarineqarsimasunut atuutinngilaq. § 29 malillugu paasitineqarsinnaatitaaneq allagaatinut peqqussutip atuutilerana siorna suliarineqarsimasunut atuutinngilaq.

*Imm. 10.* Pisortat ingerlatsineranni allagaatinik paasitineqarsinnaatitaaneq pillugu aalajangersakkat, inatsisini allani taakkuluunniit tunngavigalugit aalajangersarneqarsimasut attatiinnarneqassapput, naak aamma inatsimmit matumanna killeqarnerusumik paasitineqarsinnaatitaanermik aalajangersaaviugaluarlutik.

§ 43. (Atuutilersinneqassanngilaq)

§ 44. (Atuutilersinneqassanngilaq)

§ 45. Inatsit malillugu peqqussutip suliassanut Kalaallit Nunaannut tunngasunut naalagaaffimmi oqartussanit suliarineqartunut suliarineqarsimasunulluunniit atuutinngilaq. Taamaattorli peqqussutip uku suliassanut taamaattumut aamma atuupput: Paasitineqarsinnaatitaaneq pillugu inatsimmi § 28, imm. 2, nr. 3-p qanoq paasineqarnissaa pillugit paasissutissiiluni kaajallaasitatut allakkiaq nr. 9044, 28. januar 2016-imeersoq, Peqqisutsimut Pinaveersaartitsinermullu Ministeriaqarfimmi Imarsionermillu Aqutsisoqarfimmi allakkat nalunaarsorsimaffii pillugit nalunaarut nr. 1478, 22. december 2014-imeersoq, Slagelsip Kommuniani Nunallu im-

mikkoortuani Syddanmarkimi allakkat nalunaarsorsimaffii pillugit nalunaarut nr. 899, 30. juni 2014-imeersaq, Ilinniartitaanermut Ilisimatusarnermullu ministeriaqarfiup suliassaqaarfiini paasitinneqarnissamik qinnuteqaatit pillugit suliassat ilaanni aalajangiinerit pillugit nalunaarut nr. 317, 30. marts 2014-imeersaq, Inuussutissalerinnermut ministeriaqarfiup suliassaqaarfiini paasitinneqarnissamik qinnuteqaatit pillugit suliassat ingerlatsinnermut inatsit pisortallu ingerlatsinerat pillugu paasitinneqarsinnaanermik inatsit naapertorlugit paasitinneqarnissamik qinnuteqaatit naammagittaalliuutillu pillugit suliassani aalajangiinerit pillugit nalunaarut nr. 38, 15. januar 2014-imeersaq, politiit paasissutissanik ingerlatitseqqisarnerat aamma pinerluuteqarsimannginnermut uppersaatinik, meeqqanik innarliisimannginnermut uppersaatinik kiisalu paasissutissanik tamakkiisunik tunniussisarnerat pillugu suliassani allagaatinik nalunaarsuisussaataaneerup atuutinnginnera pillugu nalunaarut nr. 1587, 19. december 2013-imeersaq, pisortat ingerlatsinerat pillugu paasitinneqarsinnaatitaaneq pillugu inatsit malillugu allagaatinik il.il. tunniussisarnermut akiliuteqartitsisarneq pillugu nalunaarut nr. 1586, 19. december 2013-imeersaq, kommunit aamma nunat immikkoortuini oqartussat iluminni allagaataasa ilaat pillugit paasitinneqarsinnaatitaaneq pillugu nalunaarut nr. 1575, 16. december 2013-imeersaq, pisortat ingerlatsinerat pillugu paasitinneqarsinnaaneq pillugu inatsit pillugu ilitsersuut nr. 9847, 19. december 2013-imeersaq aamma Akileraartarnermut ministeriaqarfiup suliassaqaarfiini paasitinneqarnissamik qinnuteqarneq, paasissutissanik ataatsimut nalunaarsuisarneq aamma qarasaasiatigut paasisutissat katersorneqarsimasut il.il. pillugit paasisaqarnissamik suliassani aalajangiinerit pillugit nalunaarut nr. 1564, 13. december 2013-imeersaq.

*Tunniunneqarput Amalienborgimi, ulloq [...]*

Kunngiussutsitsinnik Atsiorpugut Naqissusiillutalu

MARGRETHE R.

/ Søren Pind

---

<sup>1</sup> Aalajangersagaq ima oqaasertaqarpoq: "Inatsit suliassanut Savalimmiunut Kalaallit Nunaannullu tunngasunut atuutinngilaq. Inatsit kunngip peqqussutatigut suliassanut taamaatunut atutilersinneqarsinnaavoq Savalimmiuni Kalaallit Nunaannilu pissutsit pisariaqartitaat naapertorlugit allannortillugit. Tamannali taamaallaat atuuppoq suliassanut naalagaaffimmi oqartussanit suliarineqartunut suliarineqarsimasunulluunniit."